

**Breve Apostólico  
Mirifice de Ecclesia,  
por el que Su  
Santidad Pío XII  
concede diversas  
indulgencias a los  
miembros de la  
Sociedad Sacerdotal  
de la Santa Cruz y  
Opus Dei; 20-  
VII-1947.**

“El itinerario jurídico del Opus Dei. Historia y defensa de un carisma”. Libro escrito por A.

de Fuenmayor, V. Gómez-  
Iglesias y J. L. Illanes

17/01/2012

*AGP, Sezione Giuridica, IV/15094.*

PIVS Pp. XII

AD PERPETUAM REI MEMORIAM

Mirifice de Ecclesia merenti Instituto,  
quod, SOCIETAS SACERDOTALIS  
SANCTAE CRUCIS ET OPUS DEI  
nuncupatum, in eiusdem Ecclesiae  
gremio e parvulo genitum semine  
brevi tempore crevit frondosae  
arboris instar, laudatam itemque  
laudandam propter operam eius  
fundatoris ac supremi Moderatoris,  
dilecti nempe fui JOSEPH MARIAE  
ESCRIVA DE BALAGUER ET ALBAS,  
Nostri Praelati Domestici, Nos per  
similes Apostolicas Litteras, in festo  
SS. Cordis Iesu, superiore anno, sub

anulo Piscatoris datas, propensam  
voluntatem dilectionemque Nostram  
praestitimus, large effuseque  
caelestibus Ecclesiae thesauris a  
Nobis donatis Sodalibus dictae  
Societatis, ut haec "potiora caperet,  
opitulante Deo, incrementa". Quo  
autem erga tam navam  
industriamque Societatem  
benevolentia Nostra magis perspecta  
sit, strenuo eius labore pro Dei gloria  
animarumque salute perpenso,  
attentisque copiosis fructibus per  
integrae vitae sanaeque doctrinae  
Sodalium apostolatum, iam ab  
eisdem multis in locis perceptis, Nos  
**SOCIETATEM SACERDOTALEM**  
**SANCTAE CRUCIS ET OPUS DEI**  
Decreto Laudis diei XXIV mensis  
Februarii vertentis anni  
honestavimus, Dilectumque Filium  
Nostrum Aloysium Sanctae Romanae  
Ecclesiae Presbyterum Cardinalem  
Lavitrano ipsius Sodalitatis  
Patronum, seu Protectorem apud Nos  
et hanc Apostolicam Sedem elegimus

et constituimus. Cum vero + atque  
essentia simulque peculiares OPERIS  
DEI finis sanctificatio sit labore  
cotidiano conquirenda; eiusdemque  
Sodales in liberalia opera  
incumbentes per amplis spiritualibus  
indulgentiarum muneribus sint  
decorati, Nos, curam de omnibus  
Sodalibus agentes praecipue que de  
illis quae Sectionem mulierum  
constituunt et, adhuc spe atque  
animo praesertim de illis cogitantes  
quae Inservientes nuncupantur,  
quaeque "ad exemplum Domini, qui  
ministrare venit et non ministrara  
(Math. XX, 28), et Beatae Virginis  
Mariae Ancillae Domini (Le. 1, 38),  
vera humilitate et caritate actae,  
manualia et domestica ministeria,  
quae Marthae dicuntur, interiore  
Mariae spiritu animatae, gaudentes  
exercent" (Ex Decreto Laudis verba  
istaec excerpta sunt), ut OPERIS DEI  
Sodales, igitur, semetipsos magis in  
dies sanctificare atque animabus  
Christifidelium igni detentis

subvenire possint ac solamen afferre,  
benigne annuendum censemus  
precibus dilecti filü ALVARI  
Sacerdotis DEL PORTILLO ET DIEZ  
DE SOLLANO, Doctoris, Procuratoris  
Generalis eiusdem Instituti.

Quapropter Nos, Apostolica Nostra  
Auctoritate, harum vi Litterarum,  
omnibus et singulis utriusque sexus  
Christifidelibus, nunc adlectis vel in  
posterum ipsam in Sodalitatem sive  
Opus adlegendis, qui, saltem corde  
contrito, cotidie, per integrum  
mensem, in manualibus operibus  
suscipiendis ac perficiendis aliquam,  
vel brevem, precatiunculam vel  
invocationem devote recitaverint,  
PLENARIAM INDULGENTIAM, suetis  
sub condicionibus lucrandam,  
misericorditer in Domino  
concedimus. Praeterea supra  
memoratis Sodalibus, quoties, saltem  
corde contriti, in praedictis operibus  
navandis, precatiunculam ve;  
invocationem pie pronuntiaverint,  
toties quadringentos dies de iniunctis

eis, seu alias quomodolibet debitibus paenitentiis in forma Ecclesiae consueta relaxamus. Denique largimur Sodalibus iisdem liceat, si malint, Plenariis hisce ac partialibus Indulgentiis functorum vita labes poenasque expiare. Contrariis quibuslibet nihil obstantibus. Praesentibus perpetuis futuris temporibus valituris.

Datum Romae, apud Sanctum Petrum, sub anulo Piscatoris, die XX mensis Iulii, anno MDCCCCXXXVII, Pontificatus Nostri nono.

## DE SPECIALI SANCTISSIMI MANDATO

Pro Domino Cardinali a Secretis  
Status

L + S Dominicus Spada  
a Brevibus Apostolicis

A. de Fuenmayor, V. Gómez-  
Iglesias y J. L. Illanes

---

pdf | Documento generado  
automáticamente desde [https://  
opusdei.org/es-es/article/breve-  
apostolico-mirifice-de-ecclesia-por-el-  
que-su-santidad-pio-xii-concede-  
diversas-indulgencias-a-los-miembros-  
de-la-sociedad-sacerdotal-de-la-santa-  
cruz-y-opus-dei-20-vii-1947/](https://opusdei.org/es-es/article/breve-apostolico-mirifice-de-ecclesia-por-el-que-su-santidad-pio-xii-concede-diversas-indulgencias-a-los-miembros-de-la-sociedad-sacerdotal-de-la-santa-cruz-y-opus-dei-20-vii-1947/) (26/07/2025)